

UGOVOR

o pružanju usluga razvoja web aplikacije za Online prikaz Registra zaposlenih u javnom sektoru na području Kantona Sarajevo i Registra imenovanih lica u Kantonu Sarajevo

Broj: 20-14-15168-3/19

Zaključen u Sarajevu 12.06.2019. godine, između:

1. **Ured za borbu protiv korupcije i upravljanje kvalitetom Kantona Sarajevo, Reisa Džemaludina Čauševića br. 1, ID broj: 4200990200002**, kojeg zastupa šef Ureda Erduan Kafedžić, kao Naručilac usluga, (u daljem tekstu: Naručilac usluga) i
2. **TELNET d.o.o. Sarajevo, Stupska bb, Sarajevo, ID broj: 4202070350005**, koju zastupa direktor Aida Višća, kao Izvršilac usluga, (u daljem tekstu: Izvršilac usluga)

Član 1.

Predmet ovog ugovora je pružanje usluge razvoja web aplikacije za Online prikaz Registra zaposlenih u javnom sektoru na području Kantona Sarajevo i Registra imenovanih lica u Kantonu Sarajevo, prema uslovima i odredbama ovog Ugovora i na osnovu prihvaćene ponude/predračuna Izvršioca, broj: 000218 od 27.05.2019. godine, koja je sastavni dio ovog ugovora i koja je dostavljena po pozivu za dostavu ponude za predmetnu nabavku putem direktnog sporazuma.

Ugovor se zaključuje na osnovu Odluke o pokretanju postupka javne nabavke i izboru najpovoljnijeg ponuđača putem direktnog sporazuma u postupku javne nabavke za pružanje usluga razvoja web aplikacije za Online prikaz Registra zaposlenih u javnom sektoru na području Kantona Sarajevo i Registra imenovanih lica u Kantonu Sarajevo, broj: 20-14-15168-1/19 od 28.05.2019. godine, za ponuđača TELNET d.o.o. Sarajevo, za pružanje usluga razvoja web aplikacije za Online prikaz Registra zaposlenih u javnom sektoru na području Kantona Sarajevo i Registra imenovanih lica u Kantonu Sarajevo.

Član 2.

Usluge iz člana 1. ovog ugovora obuhvataju sljedeće aktivnosti:

- Razvijanje funkcionalnosti za pretraživanje i filtriranje podataka na aplikaciji prema dodatnim parametrima;
- Razvoj aplikacije u .NET okruženju sa pripadajućim elementima: Frontend, Baza (MSSQL), i WEB API (za sinhronizaciju podataka sa drugim aplikacijama);
- Instalacija i konfiguracija Cloud hostinga na kojem je postavljena aplikacija;
- Instalacija i konfiguracija sigurnosnih paketa Cloudflare, SSL, Statička IP adresa te podešavanje domene anticorruptiks.com za pristup aplikaciji;
- Podešavanje Google Analytics, analiza podataka i konfiguracija analitičkog softvera koji prati promet prema različitim parametrima koji će poslužiti prilikom dizajniranja i implementacije slijedećih zahtjeva.

Član 3.

Usluge iz člana 2. ovog ugovora izvršit će se prema uslovima prihvaćene ponude/predračuna, broj: 000218 od 27.05.2019. godine, u vrijednosti od:

Ukupna cijena bez PDV-a:	5.950,00 KM
PDV 17%:	1.011,50 KM
Ukupna cijena sa PDV-om:	6.961,50 KM
Slovima:	šest-hiljada-devetsto-šesdeset-jedan i 50/100 KM

Član 4.

Usluge iz člana 2. ovog ugovora Izvršilac usluga će obavljati kvalitetno i stručno, a izvršit će se u roku od petnaest (15) dana nakon potpisivanja ugovora.

Član 5.

Naručilac usluga je obavezan da ugovoreni iznos iz člana 3. ovog ugovora isplati na transakcioni račun Izvršioca usluga kod BBI Bank d.d., broj: 196, u roku od 30 (trideset) dana nakon zaprimanja fakture za izvršenu uslugu od strane TELNET d.o.o. Sarajevo.

Član 6.

Sve informacije nastale na osnovu ovog Ugovora smatraju se poslovnom tajnom i ne smiju se davati trećoj strani bez odobrenja ugovornih strana;
Izvršilac se obavezuje da svojim ponašanjem i aktivnostima neće povrijediti tajnost podataka, poruka i dokumenata kojim raspolaže Naručilac.

Član 7.

Na odnose između ugovorenih strana koji nisu određeni ovim ugovorom primjenjuju se odredbe Zakona o obligacionim odnosima.

Član 8.

Ugovorne strane su saglasne da će sve eventualne izmjene i dopune ovog ugovora regulisati u skladu sa važećim zakonskim odredbama.

Član 9.

Ugovorne strane su saglasne da sve eventualne sporove rješavaju sporazumno, a u protivnom ugovaraju nadležnost suda u Sarajevu.


Član 10.

Ugovor stupa na snagu danom potpisivanja od strane ovlaštenih lica ugovornih strana.

Član 11.

Ovaj ugovor sačinjen je u 4 (četiri) istovjetna primjerka od kojih po 2 (dva) primjerka za svoje potrebe zadržava svaka ugovorna strana.

IZVRŠILAC USLUGA:
TELNET d.o.o. Sarajevo



Datum: 12.06.2019. godine

NARUČILAC USLUGA:

**Ured za borbu protiv korupcije i
upravljanje kvalitetom Kantona Sarajevo**

